



CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 23 1982

1
CWL 2640/7872 A





歐陽公史鈔引

或問余於歐陽公復有史鈔何也歐陽
公他文多本韓昌黎而其序次國家之
大及謀臣戰將得失處余竊謂獨得太
史公之遺其爲唐書則天子詔史公志
宋庠輩共爲分局視草故僅得其志
十餘首而五代史則出於公之所自

者故梁唐帝紀及諸名臣戰功處徃外
點次如畫風神燁然惜也五代兵戈
世文字崩缺公於其時特本野史也

家鉅室家乘所傳者而爲之耳假

太史公所本左傳國語戰國策楚漢春

秋又如班掾所得漢書及西

京雜記等書爲之本揚摧古今詮次當

世豈遽出其下哉余錄若干首稍爲
次而別傳之以質世之有識者歸安鹿
門茅坤題

歐陽文忠公五代史抄目錄

第一卷 本紀一首

梁太祖紀

第二卷 本紀二首

唐莊宗紀

唐明宗紀

第三卷 家人傳六首

唐劉后傳

唐繼岌傳

唐從璟傳

唐秦王從榮傳

漢湘陰公贊傳

周家人守禮傳

第四卷 梁臣傳七首

敬翔傳

葛從周傳

康懷英傳

劉鄩傳

牛存節傳

楊師厚傳

王景仁傳

第五卷 唐臣傳二首

郭崇韜傳

安重誨傳

第六卷 唐臣傳五首

周德威傳

符存審傳

史建瑋傳

王建及傳

元行欽傳

第七卷

唐臣傳五首

烏震傳

張延朗傳

李巖傳

劉延朗傳

康義誠傳

第八卷

唐言周臣傳

六首

豆盧革傳

任圜傳

張憲傳

晉臣桑維翰傳

晉臣景延廣傳

周臣王朴傳

第九卷

共十一人

成節傳

王彥章
裴約
劉仁贍

成事傳

張源德
夏魯奇

姚洪

王思同

張敬達

王清

史彥超

孫晟

第十卷

共十二首

一行傳

莫滋
石昂

程福贊
李自倫

唐六臣傳

張文蔚

蘓循

楊涉

張策

薛貽矩

趙光逢

義兒傳

李嗣昭

存賢

第十一卷

共六人

伶官傳

景進
史彥瓊
郭門高

宦者傳

張承業
張呂翰
孟漢瓊

第十二卷

雜傳四首

王鏐傳

王處直傳

劉守光傳

第十三卷

雜傳三首

李茂貞傳

朱宣傳

趙鐔傳

第十四卷

雜傳七首

康延孝傳

房知溫傳

王晏球傳

郭延魯傳

張希崇傳

皇甫遇傳

高行周傳

第十五卷

雜傳五首

皇甫暉傳

王進傳

范延光傳

安重榮傳

李守貞傳

第十六卷

雜傳六首

馮道傳

李琪傳

劉岳傳

和凝傳

張允傳

馬重績傳

第十七卷 論二首

司天考論

職方考論

第十八卷 世家三首

楊行密世家

李煜世家

王衍世家

第十九卷 世家二首

錢鏐世家

歐陽文忠公五代史抄卷之一

歸安鹿門茅坤批評

本紀

梁太祖紀



唐之衰也天子不能誅宦官而崔胤等爲之
外倚彊藩彊藩入宦官誅而唐亦以亾歐陽
公次梁紀其所摹寫殆盡而與李克用兩爭
處尤工予故錄之以見公之史才云

太祖神武元聖孝皇帝姓朱氏宋州碭山午溝里人

也其父誠以五經教授鄉里生三子曰全昱存溫誠
卒三子貧不能爲生與其母傭食蕭縣人劉崇家全
昱無他材能然爲人頗長者存溫勇有力而溫尤兇
悍唐僖宗乾符四年黃巢起曹濮存溫入賊中巢
攻嶺南存戰歿巢陷京師以溫爲東南面行營先鋒
使攻陷同州以爲同州防禦使是時天子在蜀諸鎮
會兵討賊溫數爲河中王重榮所敗屢請益兵於巢
巢中尉孟楷抑而不通溫客謝瞳說溫曰黃家起於
草莽幸唐衰亂直投其隙而取之爾非有功德興王

之業也此豈足與共成事哉今天子在蜀諸鎮之兵
日集以謀興復是唐德未厭於人也且將軍力戰於
外而庸人制之於內此章邯所以背秦而歸楚也溫
以爲然乃殺其監軍嚴實自歸于河中因王重榮以
降都統王鐸承制拜溫左金吾衛大將軍河中行營
招討副使天子賜溫名全忠中和三年三月拜全忠
汴州刺史宣武軍節度使四月諸鎮兵破巢復京師
巢走藍田七月丁卯全忠歸于宣武是歲黃巢出藍
田關陷蔡州節度使秦宗權叛附于巢遂圍陳州徐

州時溥為東南面行營兵馬都統會東諸鎮兵以救
陳陳州刺史趙犍亦乞兵于全忠溥雖為都統而不
親兵四年全忠乃自將救犍率諸鎮兵擊敗巢將黃
鄴尚讓等犍以全忠為德始附屬焉是時河東李克
用下兵太行渡河出洛陽與東兵會擊巢巢已敗去
全忠及克用追敗之于郟城巢走中牟又敗之于王
滿巢走封丘又大敗之巢挺身東走至泰山狼虎谷
為時溥追兵所殺九月天子以全忠為檢校司徒同
中書門下平章事封沛郡侯光啓二年三月進爵王

義成軍亂遂其節度使安師儒推牙將張驍為留
師儒來奔殺之遣朱賓李唐賓陷滑州以胡真為留
後十二月徙封吳興郡王自黃巢歿秦宗權稱帝陷
陝洛懷孟唐許汝鄭州遣其將秦賢盧瑋張晔攻汴
賢軍板橋晔軍北郊瑋軍萬勝環汴為三十六柵王
顧兵少不敢出乃遣朱珍募兵於東方而求救於兗
鄆三年春珍得兵萬人馬數百匹以歸乃擊賢板橋
拔其四柵又擊瑋萬勝瑋敗投水歿宗權聞瑋等敗
乃自將精兵數千柵北郊五月兗州朱瑾鄆州朱宣

陵始而稱
名既而稱
爵既而稱
帝事也
至王而後
得著其逼
去

其出不意
又獲夾攻

朱全忠之
敗張晁也
始則以朱
珍為餌而
誘之與則
兵於其

勢三可獲
出而斬之
為三並古
兵法而斷
公序亦如
畫不滅太
史公之卓
識霍

朱百朱進
本以廷機
者而全忠
反誣其誘
牛込幸以
更為其端
復論如此
此其所以
不能忠於
唐而卒繼

來赴援王置酒軍中中席王陽起如廁以輕兵出北
門襲晁而樂聲不輟晁不意兵之至也充鄆之兵又
從而合擊遂大敗之斬首二萬餘級宗權與晁夜走
過鄭屠其城而去宗權至蔡復遣張晁攻汴王聞晁
復來登封禪寺後岡望晁兵過遣朱珍躡之戒曰晁
見吾兵必止望其止當速返毋與之鬪也巳而晁見
珍在後果止珍卽馳還王令珍引兵蔽大林而自率
精騎出其東伏大冢間晁止而食食畢拔旗幟馳擊
珍珍兵小却王引伏兵橫出斷晁軍為二而擊之晁

大敗脫身走宗權怒斬晁而河陽陝洛之兵為宗權
守者聞蔡精兵皆已殲於汴因各潰去故諸葛爽將
李罕之取河陽張全義取洛陽以來附十月天子使
來賜王紀功碑朱宣朱瑾兵助汴巳破宗權來歸王
移檄充鄆誣其誘汴士卒以東乃發兵攻之取其曹
州濮州遂遣朱珍攻鄆州大敗而還十二月天子使
來賜王鐵券及德政碑淮南節度使高駢歿楊行密
入揚州天子以王兼淮南節度使王乃表行密為副
使以行軍司馬李璠為畱後璠之揚州行密不納文

德元年正月王如淮南至宋州而還是時秦宗權陷襄州以趙德諱爲節度使德諱叛于宗權以來附天子因以王爲蔡州四面行營都統以德諱爲副五月庚子僖宗崩天雄軍亂囚其節度樂彥真其子相州刺史從訓攻魏來乞兵遣朱珍助從訓攻魏而魏軍殺彥真從訓戰死魏人立羅弘信珍乃還張全義取河陽逐李罕之罕之奔于河東李克用遣兵圍河陽全義來求救遣丁會牛存節救之擊敗河東兵于沈河五月行營討蔡州圍之百餘日不克是時時溥已

爲東南面都統又以王統行營而溥猶稱都統王乃上書論溥討蔡無功而不落都統且欲激怒溥以起兵端初高駢歿淮南亂楚州刺史劉瓚來奔納之及王兵攻蔡不克還欲攻徐乃遣朱珍將兵數千以東聲言送瓚還楚州溥怒論已又聞珍以兵來果出兵拒之珍戰于吳康大敗之取其豐蕭二縣遂攻宿州下之珍屯蕭縣別遣龐師古攻徐州龍紀元年正月師古敗溥于呂梁淮西牙將申叢執秦宗權折其足將檻送京師別將郭璠殺叢篡宗權以來獻王遣行

軍司馬李璠獻俘于京師表郭璠淮西留後三月天子封王為東平王七月朱珍殺李唐賓王如蕭縣執珍殺之遂攻徐州冬大雨水不能屯軍而旋初秦宗權遣其弟宗衡掠地淮南是歲宗衡為其將孫儒所殺儒攻楊行密于揚州淮南大亂行密走宣州儒入揚州大順元年春遣龐師古攻孫儒於淮南大敗而還四月宿州將張筠以宿州復歸於時溥王自將攻之不克初黃巢敗走李克用追之至于宛胸不及而旋過汴駐軍于北郊王邀克用置酒上源驛夜以兵

黃巢之敗
梁之功
六晉之功
使梁能

攻之克用踰城而免訟其事于京師天子知曲在汴而和解之至是宰相張濬私與汴交王厚之以賂濬為汴請伐河東唐諸大臣皆以為不可興師濬挾汴力請益堅天子不得已而許之五月以濬為太原四面行營都統王為東南面招討使然王不親兵以兵三千屬濬而已濬屯于陰地河東叛將馮霸殺潞州守將李克恭來降遣葛從周入潞州李克用遣康君立攻之從周走河陽九月王如河陽十月天子以王兼宣義軍節度使遂如滑州假道于魏以攻河東且

濬心於以
勝微名
在唐諸叛
中突而桓
文之業友
學也惜也
梁匪許反
後世見其
忌克則其
為兵端梁
與唐爭權
持河上者
其世禍結
已而難及
慕唐而卒
臨五代首

次易史少

責其軍須亦所以怒魏為兵端也魏人果以謂非兵所當出而辭以糧之皆不許於是攻魏十一月張濟之師大敗于陰地二年正月王及魏人戰于內黃大敗之屠故元城羅弘信來送款十月克宿州十一月曹州將郭紹賓殺其刺史郭饒來降十二月丁會敗朱瑾于金鄉景福元年二月攻鄆州前軍朱友裕敗于斗門王軍後至又敗而還冬友裕取濮州遂攻徐州二年四月龐師古克徐州殺時溥王如徐州以師古為留後遂攻兗鄆乾寧元年二月王及朱宣戰于

漁山大敗之二年八月又敗宣于梁山十一月又敗之于鉅野兗鄆求救于河東李克用發兵救之假道于魏既而魏人擊之克用怒大舉攻魏羅弘信來求救遣葛從周救魏是歲李克用封晉王三年五月戰于洹水擒克用子落落送于魏殺之七月鳳翔李茂貞犯京師天子出居于華州王請以兵赴難天子優詔止之又請遷都洛陽不許四年正月龐師古克鄆州王如鄆州以朱友裕為留後遂攻兗州朱瑾奔于淮南以葛從周為兗州留後九月攻淮南龐師古出

梁請以兵
赴鳳翔難
及請遷洛
陽而唐天

十不之從
亦亦中疑
非唐誅全
忠節全忠

清口葛從周出安豐王軍屯于宿州楊行密遣瑾先擊清口師古敗死從周亟返兵至于泝河瑾又敗之王懼馳歸光化元年三月天子以王兼天平軍節度使四月遣葛從周攻晉之山東取邢洛磁三州襄州趙匡凝自其父德諲時來附匡凝又與楊行密李克用通而其事泄七月遣氏叔琮康懷英攻匡凝取其祕隨鄧三州匡凝請和乃止十二月李罕之以潞州來降二年幽州劉仁恭攻魏羅紹威來求救王救魏敗仁恭于內黃四月遣氏叔琮攻晉太原不克七月

李克用取澤潞十一月保義軍亂殺其節度使王兼推其牙將李璠爲留後其將朱簡殺璠來降以簡爲保義軍節度使三年四月遣從周攻劉仁恭之滄州取其德州及仁恭戰于老鵝堤大敗之八月晉取洛州王如洛州復取之是時鎮定皆附于晉遂攻鎮州破臨城王鎰來送款進攻定州王郜奔于晉其將王處直以定州降唐宦者劉季述作亂天子幽于東宮天復元年正月護駕都頭孫德昭誅季述天子復立封王爲梁王遣張存敬攻王珂于河中出含山下晉

絳二州王珂求救于晉晉不能救乃來降三月大舉
攻晉氏叔琮出太行取澤潞葛從周張存敬侯言張
歸厚及鎮定之兵皆會于太原圍之不克遇雨而退
五月天子以王兼河中尹護國軍節度使六月晉取
慈隰自劉季述等已誅宰相崔胤外與梁交欲假梁
兵盡誅宦者而鳳翔李貞茂邠寧王行瑜等皆遣子
弟以精兵宿衛天子宦者韓全誨等亦因恃以爲助
天子與胤計事宦者屬耳頗聞之乃選美女內之宮
中陰令伺察其實久之果得胤奏謀所以誅宦者之

說全誨等大懼日夜相與涕泣思圖胤以求全胤知
謀泄事急卽矯爲制召梁兵入誅宦者十月王以宣
武宣義天平護國兵七萬至于河中取同州遂攻華
州韓建出降全誨等聞梁王兵且至卽以岐邠宿衛
兵劫天子奔于鳳翔王乃上書言胤所以召之之意
天子怒罷胤相責授工部尙書詔梁兵還鎮王引兵
去攻邠州屯于三原邠州節度使楊崇本以邠寧慶
衍四州降崔胤奔于華州二年春王退軍于河中晉
攻晉絳遣朱友寧擊敗晉軍于蒲縣取汾慈隰遂圍

國陽
太原不克而還汾慈隰復入于晉四月友寧引兵西
至興平及李茂貞戰于武功大敗之王兵犯鳳翔茂
貞數出戰輒敗遂圍之十一月鄜坊李周彝以兵救
鳳翔王遣孔勅襲鄜州虜周彝之族徙于河中周彝
乃降是時岐兵屢敗而圍久城中食盡自天子至後
宮皆凍餒三年正月茂貞殺韓全誨等二十人囊其
首示梁軍約出天子以爲解甲天子出幸梁軍遣使
者馳召崔胤胤托疾不至王使人戲胤曰吾未識天
子懼其非是子來爲我辨之天子還至興平胤率百

官奉迎王自爲天子執轡且泣且行行十餘里止之
人見者咸以爲忠已已天子至自鳳翔素服哭于太
廟而後入殺宦者七百餘人二月甲戌天子賜王回
天再造竭忠守正功臣以輝王祚爲諸道兵馬元帥
王爲副元帥王乃留子友倫爲護駕指揮使以爲天
子衛引兵東歸天子餞于延喜樓賜楊柳枝五曲初
梁兵已西青州王師範遣其將劉鄩襲據梁兗州王
已還梁四月如鄆州遣朱友寧攻青州師範敗之于
石樓友寧歿九月楊師厚敗青人于臨朐取其棣州

師範以青州降而鄆亦降友倫擊鞠墮馬歿王怒以
為崔胤殺之遣朱友謙殺胤于京師其與友倫擊鞠
者皆殺之自天子奔華州王請遷都洛陽雖不許而
王命河南張全義修洛陽宮以待天祐元年正月王
如河中遣牙將寇彥卿如京師請遷都洛陽并徙長
安居人以東天子行至陝州王朝于行在先如東都
是時六軍諸衛兵已散亾其從以東者小黃門十數
人打毬供奉內園小兒等二百餘人行至穀水王教
醫官許昭遠告其謀亂悉殺而代之然後以聞由是

克用本
絕及茂貞

傳建行齊
世家書

其在唐所
受蜀匡凝

不書其在
唐此乃闕

文

不全忠之
亂相之如

此

天子左右皆梁人矣四月甲辰天子至自西都是時
晉王李克用岐王李茂貞楚王趙匡凝蜀王王建吳
王楊行密聞梁遷天子洛陽皆欲舉兵討梁王大懼
六月楊崇本復附于岐王李茂貞乃以兵如河中聲言攻崇
本遣朱友恭氏叔琮蔣玄暉等行弒昭宗崩十月王
朝于京師殺朱友恭氏叔琮十一月攻淮南取其光
州攻壽州不克而旋二年二月遣蔣玄暉殺德王裕
等九王于九曲池六月殺司空裴贇等百餘人七月
天子復使來賜王迎鑾紀功碑王欲代唐使人論諸

鎮襄州趙匡凝以爲不可遣楊師厚攻之取其唐鄧復郢隨均房七州王如襄州軍于漢北九月師厚破襄州匡凝奔于淮南師厚取荆南荆南留後趙明奔于蜀遂出光州以攻壽州不克天子卜祀天于南郊王怒以爲蔣玄暉等欲祈天以延唐天子懼改卜郊十一月辛巳天子封王爲魏王相國總百揆以宣武宣義天平護國天雄武順佑國河陽義武昭義武寧保義忠義武昭武定秦寧平盧匡國鎮國荆南忠武二十一軍爲魏國備九錫王怒不受十二月天子以

王爲天下兵馬元帥王益怒遣人告樞密使蔣玄暉與何太后私通殺玄暉而焚之遂弒太后于積善宮又殺宰相柳璨太常卿張延範車裂以徇天子下詔以太后故停郊三年春魏州羅紹威謀殺其牙軍來假兵以虞變王爲發兵北攻劉仁恭之滄州兵過魏而紹威已殺牙軍其兵之在外者果皆叛據貝衛瀘博州王以兵悉殺之遂攻滄州軍于長蘆劉仁恭求救于晉晉人取潞州王乃旋軍開平元年春正月壬寅天子使御史大夫薛貽矩來勞軍宰相張文蔚率

百官來勸進夏四月壬戌更名昺甲子皇帝卽位戊辰大赦改元國號梁

嗚呼天下之惡梁久矣自後唐以來皆以爲僞也至予論次五代獨不僞梁議者或譏予大失春秋之旨以謂梁負大惡當加誅絕而反進之是獎篡也非春秋之志也予應之曰是春秋之志爾魯桓公弑隱公而自立者宣公弑子赤而自立者鄭厲公逐世子忽而自立者衛公孫剽逐其君衎而自立者聖人於春秋皆不絕其爲君此予所以不僞梁者用春秋之法

梁而

也然則春秋亦獎篡乎曰惟不絕四者之爲君於此見春秋之意也聖人之於春秋用意深故能勸戒切爲言信然後善惡明夫欲著其罪於後世在乎不沒其實其實嘗爲君矣書其爲君其實篡也書其篡各傳其實而使後世信之則四君之罪不可得而掩爾使爲君者不得掩其惡然後人知惡名不可逃則爲惡者庶乎其息矣是謂用意深而勸戒切爲言信而善惡明也桀紂不待貶其王而萬世所共惡者也春秋於大惡之君不誅絕之者不害其褒善貶惡之旨

國陽史抄 卷一
也惟不沒其實以...者其罪而信乎後世與其為君而
不得掩其惡以息人之為惡能知春秋之此意然後
知予不偽梁之旨也

歐陽文忠公五代史抄卷之一

歐陽文忠公五代史抄卷之二

歸安鹿門茅坤批評

本紀

唐莊宗紀

通篇克獨... 卷之二

其父行... 卷之二

如畫

莊宗光聖神閔... 卷之二

厥至其後世別... 卷之二

時有朱邪盡忠... 贊普攻陷北... 爲回鶻所敗... 于石門關盡忠戰死... 河西節度使范希朝... 定襄神武川之新城... 沙陀軍執宜死... 將軍康承訓... 爲太原行營招討沙陀... 功拜

軍于大都護振武軍節度使賜姓名曰李國昌以之... 籍沙陀素彊而國昌特功益橫... 從國昌雲州刺史大同軍防禦使國昌稱疾拒命... 國昌子克用尤善騎射能仰... 國昌已拒命克用乃殺大同軍防禦使段文楚據雲... 州自稱留後唐以太僕卿盧簡方爲振武節度使會... 幽并兵討之簡方行至鳳州軍潰由是沙陀侵掠代... 北爲邊患矣明年僖宗即位以謂前太原節度使李... 業遇沙陀有恩而業已死乃以其子鈞爲靈武節度

使宣慰沙陀六州三部落使以招緝之拜克用大同
軍防禦使居久之國昌出擊党項吐渾赫連鐸襲破
振武克用聞之自雲州往迎國昌而雲州人亦閉關
拒之國昌父子無所歸因掠蔚朔間得兵三千國昌
人保蔚州克用還據新城僖宗乃拜鐸大同軍使以
鈞爲代北招討使以討沙陀乾符五年沙陀破遮
虜軍又破蔚嵐軍而唐兵數敗沙陀出此益熾北據
蔚朔南侵忻代嵐石至于太谷焉廣明元年招討使
李琢會幽州李可舉雲州赫連鐸擊沙陀克用與可

舉相距雄武軍其叔父友金以蔚朔州降于琢克用
聞之遽還可舉追至藥兒嶺大敗之琢軍夾擊又敗
之于蔚州沙陀大潰克用父子入鞑鞞克用少驍
勇軍中號曰李鷄兒其一目眇及其貴也又號獨眼
龍其威名蓋於代北其在鞑鞞久之鬱鬱不得志又
常懼其圖已因時時從其羣豪射獵或掛針于木或
立馬鞭百步射之輒中群豪皆服以爲神黃巢已陷
京師中和元年代北起軍使陳景思發沙陀先所降
者與吐渾安慶等萬人赴京師行至絳州沙陀軍亂

大掠而還景思念沙陀非克用不可將乃以詔書召克用於鞏鞏承制以爲代州刺史鴈門以北行營節度使鄭從謹與之錢十緡米千石克用怒縱兵大掠而還二年十一月景思克用復以步騎萬七千赴京師三年正月至于河中進屯乾坑巢黨驚曰鷓兒軍至矣二月敗巢將黃鄴於石隄谷三月又敗趙璋尚讓於良田坡橫尸三十里是時諸鎮兵皆會長安大戰滑橋賊敗走入城克用不勝追之目光泰門先入戰

率春宮昇陽毀巢敗南走出藍田關京師平克用功第一天子拜克用檢校司空同中書門下平章事河東節度使以國昌爲鴈門以北行營節度使十月國昌卒十一月遣其弟克修攻昭義孟方立取其澤潞二州方立走山東以邢洛磁三州自別爲昭義軍黃巢南走至蔡州降秦宗權遂攻陳州四年克用以兵五萬救陳州出天井關假道河陽諸葛爽不許乃自河中渡河四月敗尚讓於太康又敗黃鄴於西華巢且戰且走至中牟臨河未渡而克用追及之賊衆驚

宋史

昭義軍在唐時

山東西

五州

遷路入干

晉邢洛磁

孟氏據

故當

兩昭義

宋史

此一着全忠孤媚狼貪也遂構克用父子之黨與唐相終始當是時僖宗能下詔兩條與許共敗黃巢之功於其中却擊來之讓晉使之謂晉使

其德而榮亦少我矣
王重榮之稱迫於字相張濟等之請兵反以攻晉甚為失着

潰北至封丘又敗之巢脫身走克用追之一日夜馳二百里至于宛胸不及而還過汴州休軍封禪寺朱全忠饗克用於上源驛夜酒罷克用醉臥伏兵發火起侍者郭景銖滅燭匿克用牀下以水醒面而告以難會天大雨滅火克用得從者薛鐵山賀回鶻等隨電光綫尉氏門出還軍中七月至于太原訟其事于京師許加兵於汴遣弟克修將兵萬人屯于河中以待僖宗和解之用破巢功封克川隴西郡王光啓元年河中王重榮與宦者田令孜有隙徙重榮兗州以

定州王處存為河中節度使詔克用以兵護處存之

鎮重榮使人給克用曰天子詔重榮俟克用至與處

存共誅之因偽為詔書示克用曰此朱全忠之謀也

克用信之八上表請討全忠僖宗不許克用大怒重

榮既不肯徙僖宗遣邠州朱玫鳳翔李昌符討之克

用反以兵助重榮敗玫于沙苑遂犯京師縱火大掠

天子出居于興元克用退屯河中朱玫亦反以兵追

天子不及得襄王煨迫之稱帝屯于鳳翔僖宗念獨

克用可以破攻而不能使也當破黃巢長安時天下

按克用不僭號故不稱王

河中王是

與全忠以釀其亂

提前事

兵馬都監楊復恭與克用善乃遣諫議大夫劉崇望以詔書召克用且道復恭意使進兵討攻等克用陽諾而不行明年孟方立死其弟遷立大順元年克用擊破孟遷取邢洛磁三州乃遣安金俊攻赫連鐸於雲州幽州李匡威救鐸戰於蔚州金俊大敗於是匡威鐸及朱全忠等皆請因其敗伐之昭宗以克用破黃巢功高不可伐下其事臺省四品官議議者多言不可宰相張滂獨以謂沙陀前逼僖宗幸與元罪當誅可伐軍容使楊復恭克用所善也文極諫以為不

可昭宗然之詔諭全忠等全忠陰賂濬使持其議堅昭宗不得已以濬為太原四面行營兵馬都統韓建為副使是時潞州將馮霸叛降于梁梁遣葛從周入潞州唐以京兆尹孫揆為昭義軍節度使克用遣李存孝執揆於長子又遣康君立取潞州十一月濬及克用戰于陰地濬軍三戰三敗濬建遜歸克用兵大掠晉絳至于河中赤地千里克用上表自訴其辭慢侮天子為之引咎優詔答之二年二月復拜克用

河東節度使隴西郡王加檢校太師兼中書令四月

昭宗此着 極依何不 斷始則構 震於河中 王重榮再 則激於朱 攻二則熾 於匡威鐸 迫則成于 張濬兵指 而不威爵 賢而不勅

攻赫連鐸于雲州圍之百餘日鐸走吐渾八月大蒐于太原出晉絳掠懷孟至于邢州遂攻王鎔于鎮州克用柵常山西以十餘騎渡滹沱覘敵遇大雨平地水深數尺鎮人襲之克用匿林中禱其馬曰吾世有太原者馬不嘶奇馬偶不嘶奇以免前軍李存孝取臨城進攻元氏李匡威救鎔克用還軍邢州景福元年王鐸攻邢州李存信李嗣勳等敗鎔于堯山二月會王處存攻鎔戰于新市爲鎔所敗八月李匡威攻雲州以牽克用之兵克用潛入于雲州返出擊匡威匡威

敗走十月李存孝以邢州叛二年存孝求援於王克用出兵并陘擊鎔且以書招鎔而急攻其平山鎔懼遂與克用通和獻帛五十萬匹出兵助攻邢州乾

元年二月執存孝殺之冬攻幽州李匡儔棄城走追至景城見殺以劉仁恭爲留後二年河中王重盈卒其諸子珂珙爭立克用請立珂鳳翔李茂貞邠寧王行瑜華州韓建請立珙昭宗初兩難之乃以宰相崔胤爲河中節度使旣而許克用立琦茂貞等怒三鎮兵犯京師聞克用亦起兵乃皆罷去六月克用攻

絳州斬刺史王瑤瑤琪弟助琪以爭者七月至于河
中同州王行約奔于京師陽言曰沙陀十萬至矣謀
奉天子幸邠州茂貞假子闞圭亦謀劫幸鳳翔京師
大亂昭宗出居于石門克用軍留月餘不進昭宗遣
延王戒丕丹王允兄事克用且告急八月克用進軍
渭橋以爲邠寧四面行營都統昭宗還京師十一月
克用擊破邠州王行瑜走至慶州見殺克用還軍雲
陽請擊茂貞昭宗慰勞克用使與茂貞解仇以紓難
拜克用忠正平難功臣封晉王是時晉軍渭北遇雨

張濬助朱
全忠以兵
文克用而
敗者也昭
宗方封克
用爲晉王
而復以濬
相是道之
使於也政
命申新若
此何以爲
威

六十日或勸克用入朝克用未決都押衙蓋寓曰天
子還自石門寢未安席若晉兵渡渭人情豈復能安
勤王而已何必朝哉克用笑曰蓋寓猶不信我况天
下乎乃收軍而還三年正月昭宗復以張濬爲相克
用曰此朱全忠之謀也乃上表曰若陛下朝以濬爲
相則臣將暮至闕庭京師大恐濬命遽止朱全忠之
攻兗鄆也克用遣李存信假道魏州以救朱宣等存
信屯于莘縣軍士侵掠魏境羅弘信伏兵攻之存信
敗走洛州克用自將擊魏戰于洹水亾其子落落六

月破魏成安洹水臨漳等十餘邑十月又敗魏人于白龍潭進攻觀音門全忠救至乃解四年劉仁恭叛晉克用以兵五萬擊仁恭戰于安塞克用大敗光化元年朱全忠遣葛從周攻下邢洛磁三州克用遣周德威出青山口遇從周于張公橋德威大敗冬潞州守將薛志勤率李罕之據潞州叛附于朱全忠二年全忠遣氏叔琮攻破承天軍又破遼州至于榆次周德威敗之于洞渦秋李嗣昭復取澤潞三年嗣昭敗汴軍于沙河復取洛州朱全忠自將圍之嗣昭走至

青山口遇汴伏兵嗣昭大敗秋嗣昭取懷州是歲汴人攻鎮定鎮定皆絕晉以附于朱全忠天復元年全忠封梁王梁攻下晉絳河中執王珂以歸晉失三與國乃下意爲書幣聘梁以求和梁王以爲晉弱可取乃曰晉雖請盟而書辭慢因大舉擊晉四月氏叔琮入天井張文敬入新口葛從周入土門王處直入飛狐侯言入陰地叔琮取澤潞其別將白奉國破承天軍遼州守將張鄂汾州守將李瑋皆迎梁軍降晉人大懼會天大雨霖梁兵多疾皆解去五月晉復取汾

及不忠之
兵以百戰
於河上而
不決豈非
唐之民人
之孽乎

州誅李瑋六月周德威李嗣昭取慈隰二年進攻晉
絳大敗于蒲縣梁軍乘勝破汾慈隰三州遂圍太原
克用大懼謀出奔雲州又欲奔匈奴未決而梁軍大
疫解去周德威復取汾慈隰三州四年梁遷唐都于
洛陽改元曰天祐克用以謂劫天子以遷都者梁也
天祐非唐號不可稱乃仍稱天復五年會契丹阿保
機於雲中約為兄弟六年梁攻燕滄州燕王劉仁恭
來乞師克用恨仁恭反覆欲不許其子存勗諫曰此
吾復振之時也今天下之勢歸梁者十七八強如趙

存勗諫曰

中山莫不聽命是自河以北無為梁患者其所憚
者惟我與仁恭耳若燕晉合勢非梁之福也夫為天
下者不顧小怨且彼常困我而我急其難可因以德
而懷之是謂一舉而兩得此不可失之機也克用以
為然乃為燕出兵攻破潞州梁圍乃解去以李嗣昭
為潞州留後七年梁兵十萬攻潞州圍以夾城遣周
德威救潞州軍于亂柳冬克用疾是歲梁滅唐克用
復稱天祐四年正月辛卯克用卒年五十三子存勗
立葬克用於鴈門

次易克用於鴈門

存勗克用長子也初克用破孟方立于邢州還軍上黨置酒三垂岡伶人奏百年歌至于衰老之際聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此奇兒也後二十年其能代我戰于此乎存勗年十一從克用破王行瑜遣獻捷于京師昭宗異其狀貌賜以鸞鵠卮翡翠盤而撫其背曰兒有奇表後當富貴無忘予家及長善騎射膽勇過人稍習春秋通大義尤喜音聲歌舞俳優之戲天祐五年正月卽王位于太原叔父克寧殺都虞候

李存質侍臣史敏鎔告克寧謀叛二日執而戕之且以先王之喪叔父之難告周德威德威自亂柳還軍大原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能爲也宜乘其怠擊之乃出兵趨上黨行至三垂岡歎曰此先王置酒處也會天大霧晝暝兵行霧中攻其夾城破之梁軍大敗凱旋告廟九月蜀王王建岐王李茂貞及楊崇本攻梁大梁晉亦遣周德威攻其晉州敗梁軍于神山六年劉知俊叛梁來乞師王自將至陰

地關遣周德威攻晉州敗梁軍于蒙院七年冬梁遣
王景仁攻趙趙王王炫來乞師諸將皆疑鎔詐未可
出兵王不聽乃救趙八年正月敗梁軍于柏鄉斬首
二萬級獲其將校三百人馬三千匹進攻邢州不下
留兵圍之去攻魏別遣周德威徇梁夏津高唐攻博
州破東武朝城遂擊黎陽臨河淇門掠新鄉共城燕
王劉守光聞晉攻梁深入乃大治兵聲言助梁晉王
患之乃旋師七月會趙王王鎔于承天軍劉守光稱
帝于燕九年正月遣周德威會鎮定以攻燕守光求

傳本無梁字

救于梁梁軍攻趙屠聚彊李存審擊走之八月朱友
謙以河中叛于梁來降梁遣康懷英討友謙友謙復
臣于梁而亦陰附于晉十年十月劉守光請降王如
幽州守光背約不降攻破之十一年殺燕王劉守光
于太原用其父仁恭于鴈門於是趙王王鎔北平王
王處直奉冊推王為尚書令始建行臺七月攻梁邢
州戰于張公橋晉軍大敗十二年魏州軍亂賀德倫
以魏博二州叛于梁來附土人魏州行至永濟誅其
亂首張彥以其兵五百自衛號帳前銀鎗軍六月王

兼領魏博節度使取德州七月取澶州劉鄩軍于洹
水王率百餘騎營遇鄩伏兵圍之數重決圍而出
亾七八騎八月梁復取澶州晉軍與鄩對壘于莘晉
軍數挑戰鄩閉壁不出十三年正月王留李存審于
莘聲言西歸鄩聞言王且去卽引兵擊魏攻城東王
行至貝州返擊鄩大敗之追至于故元城又敗之鄩
走黎陽三月攻梁衛州降其刺史米昭克磁州殺其
刺史靳昭四月克洛州八月圍邢州降其節度使閻
寶梁張筠棄相州戴思遠棄滄州而逃遂取二州而

貝州人殺梁守將張源德以城降契丹寇蔚州執振
武節度使李嗣本十四年契丹寇新州遂寇幽州李
嗣源擊走之冬梁謝彥章軍于楊劉十二月攻楊劉
土自負芻以堙塹遂破之十五年正月梁晉相拒于
楊劉彥章決河水以隔晉軍六月渡水擊彥章破其
四寨八月大閱于魏之盧龍橫海昭義安國及鎮定
之兵十萬馬萬匹軍于麻家渡謝彥章軍于行臺十
二月進軍臨濮梁軍追之戰于胡深晉軍大敗周德
威歿之梁軍暮休于土山晉軍復擊之大敗之遂軍德

勝爲文寨十六年正月王兼領盧龍軍節度使梁王
瓚攻德勝南城不克十月廣德勝北城十二月敗梁
軍于河南十七年朱友謙襲同州梁遣劉鄩擊友謙
李存審敗梁軍于同州十八年正月魏州僧傳真獻
唐受命寶一趙將張文禮執其君鎔文禮來請命二
月以文禮爲鎮州兵馬副後三月河中節度使朱友
謙昭義軍節度使李嗣昭橫海軍節度使李存審義
武軍節度使王處直安國軍節度使李嗣源鎮州兵
馬副後張文禮領天平軍節度使閻寶六同軍節度

使李存璋振武軍節度使李存進匡國軍節度使朱
令德請王卽皇帝位王三辭友謙等三請王曰予當
思之八月遣趙王王鎔故將符習及閻寶史建瑋等
攻張文禮於鎮州建瑋取趙州張文禮卒其子處瑾
閉城拒守九月建瑋戰歿十月梁戴思遠攻德勝北
城李嗣源敗之于戚戚王處直叛附于契丹其子都
幽處直以來附十二月契丹寇涿州遂寇定州十九
年正月敗契丹于三城望都追奔至于幽州三月閻
寶敗于鎮州以李嗣昭俟之四月嗣昭戰歿以李存

進代之八月李承昭衛州九月存進敗鎮人于東垣存
進戰歿十月李存審克鎮州王兼領成德軍節度使
同光元年春三月李繼勳以潞州叛附于梁夏四月
已巳皇帝卽位大赦改元國號唐

嗚呼世久而失其傳者多矣豈獨史官之謬哉李氏
之先蓋出於西突厥本號朱邪至其後世別自號曰
沙陀而以朱邪爲姓拔野古爲始祖其自序云沙陀
者北庭之積也當唐太宗時破西突厥諸部分同羅
僕骨之人於此積置沙陀府而以其始祖拔野古爲

都督其傳子孫數世皆爲沙陀都督故其後世因自
號沙陀然予考於傳記其說皆非也夷狄無姓氏朱
邪部族之號耳拔野古與朱邪同時人非其始祖而
唐太宗時未嘗有沙陀府也唐太宗破西突厥分其
諸部置十三州以同羅爲龜林都督府僕骨爲金微
都督府拔野古爲幽陵都督府未嘗有沙陀府也當
是時西突厥有鐵勒薛延陀阿史那之類爲最大其
別部有同羅僕骨拔野古等以十數蓋其小者也又
有處月處密諸部又其小者也朱邪者處月別部之

號耳太宗二十二年已降拔野古其明年阿史那賀
魯欽至高宗永徽二年處月朱邪孤注從賀魯戰于
牢山爲契苾何力所敗遂沒不見後百五十六年當
憲宗時有朱邪盡忠及子執宜見於中國而自號沙
陀以朱邪爲姓矣蓋沙陀者大磧也在金沙山之陽
蒲類海之東自處月以來居此磧號沙陀突厥而夷
狄無文字傳記朱邪又微不足錄故其後世自失其
傳至盡忠孫始賜姓李氏後大而夷狄之人遂以沙
陀爲貴種云

唐明宗紀

明宗聖德和武欽孝皇帝世本夷狄無姓氏父寬爲
鴈門部將生子邈佶烈以騎射事太祖爲人質厚寡
言執事恭謹太祖養以爲子賜名嗣源梁攻兗鄆朱
宣朱瑾來乞師太祖遣李存信將兵三萬救之存信
留莘縣不進使嗣源別以兵三千先擊梁兵梁兵解
去存信留莘縣久之爲羅弘信所襲存信敗走嗣源
獨殿而還太祖以嗣源所將騎五百號橫衝都光化
三年李嗣昭攻梁邢洛出青山遇葛從周兵嗣昭大

國朝史抄 卷二
敗走梁兵追之嗣源從間道後至謂嗣昭曰爲公一
戰乃解鞍礪鏃憑高爲陣左右指畫梁追兵望之莫
測嗣源急呼曰吾取葛公七卒可無動乃馳騎犯之
出入奮擊嗣昭繼進梁兵解去嗣源身中四矢太祖
解衣賜藥以勞之由是李橫衝名重四方梁晉相拒
于柏鄉梁龍驤軍以赤白馬爲兩陣旗幟鏡仗皆如
馬色晉兵望之皆懼莊宗舉鍾以飲嗣源曰卿望梁
家赤白馬懼乎雖吾亦怯也嗣源笑曰有其表爾翌
日歸吾廐也莊宗大喜曰卿當以氣吞之因舉鍾飲

嗣奮擣馳騎犯其白馬挾二裨將而還梁兵敗以功
拜代州刺史莊宗攻劉守光嗣源及李嗣昭將兵三
萬別出飛狐定山後取武媯儒三州莊宗已平魏州
因徇下磁相拜相州刺史昭德軍節度使久之徙鎮
安國契丹攻幽州莊宗遣嗣源與閻寶等擊走之同
光元年徙鎮橫海是時梁唐相拒于河上李繼韜以
潞州叛降梁莊宗有憂色召嗣源帳中謂曰繼韜以
上黨降梁而梁方急攻澤州吾出不意攻其鄆州以
斷梁右臂可乎嗣源對曰夾河之兵久矣苟非出奇

澤也而以
東突郭一

則大計不決臣請獨當之乃以步騎五千涉濟至鄆
州鄆人無備遂襲破之即拜天平軍節度使蕃漢馬
步軍副總管梁軍攻破德勝南柵莊宗退保楊劉王
彥章急攻鄆州莊宗悉軍救之嗣源為前鋒擊敗梁
軍追至中都擒彥章及梁監軍張漢傑彥章雖敗而
段凝悉將梁兵屯河上莊宗未知所嚮諸將多言乘
勝以取青齊嗣源曰彥章之敗凝猶未知使其聞之
遲疑定計亦須三日縱使料吾所嚮亟發救兵必渡
黎陽數萬之眾舟楫非一日具也此去汴州不數百

計賊

乎河上而
以府發
幸以破梁
又一奇

里前無險阻方陣而行信宿可至汴州已破段凝豈
足顧哉而郭崇韜亦勸莊宗入汴莊宗以為然遣嗣
源以千騎先至汴攻封丘門王瓚開門降莊宗後至
見嗣源大喜手攬其衣以頭觸之曰天下與爾共之
拜中書令二年莊宗祀天南郊賜以鐵券五月破楊
立于潞州六月徙鎮宣武兼蕃漢內外馬步軍總管
冬契丹侵漁陽嗣源敗之于涿州三年徙鎮成德莊
宗幸鄴請朝行在不許貞簡太后疾請入省又不許
太后崩請赴山陵許之而契丹侵邊乃止十二月遂

次易史少

卷二

十一

朝于洛陽天成元年郭崇韜朱友謙皆以讒歿嗣源以各位高亦見疑忌趙在禮反於魏大臣皆請遣嗣源討賊莊宗不許羣臣屢請莊宗不得已而遣之三月壬子嗣源至魏屯御河南在禮登樓謝罪甲寅軍變嗣源入于魏與在禮合夕出止魏縣丁巳以其兵南遣石敬瑭將三百騎爲先鋒嗣源行過鉅鹿掠小坊馬二千匹以益軍壬申入汴州四月丁亥莊宗崩巳丑入洛陽甲午監國朝羣臣于興聖宮乙未中門使安重誨爲樞密使殺元行欽及租庸使孔謙壬寅寅大赦改元

嗚呼自古治世少而亂世多三代之王有天下者皆數百年其可道者數君而已况於後世邪况於五代邪予聞長老爲予言明宗雖出夷狄而爲人純質寬仁愛人於五代之君有足稱也嘗夜焚香仰天而祝曰臣本蕃人豈足治天下世亂久矣願天早生聖人自初卽位減罷宮人伶官廢內藏庫四方所上物悉

歸之有司廣壽殿火災有司理之請加丹雘喟然嘆
曰天以火戒我豈宜增以侈邪歲嘗旱已而雪暴坐
庭中詔武德司宮中無得掃雪曰此天所以賜我也
數問宰相馮道等民間疾苦聞道等言穀帛賤民無
疾疫則欣然曰吾何以堪之當與公等作好事以報
上天吏有犯贖輒寘之死曰此民之蠹也以詔書褒
廉吏孫岳等以風示天下其愛人恤物蓋亦有意於
治矣其卽位時春秋已高不遜聲色不樂游畋在位
十年於五代之君最爲長世兵革粗息年屢豐登生

民實賴以休息然夷狄性果仁而其明屢以非辜

殺臣下至於從榮父子之間不能慮患爲防而變起
倉卒陷之以大惡帝亦由此飲恨而終當是時大理
少卿康澄上疏言時事其言曰爲國家者有不足懼
者五深可畏者六三辰失行不足懼天象變見不足
懼小人訛言不足懼山崩川竭不足懼水旱蟲蝗不
足懼也賢士藏匿深可畏四人遷業深可畏上下相
徇深可畏廉恥道消深可畏毀譽亂真深可畏直言
不聞深可畏也識者皆多澄言切中時病若從榮之

變任園安重誨等之死可謂上下相徇而毀譽亂真
之蔽矣然澄之言豈止一時之病凡爲國者可不戒
哉

歐陽文忠公五代史抄卷之二

